

**ԲՆԱԿՉՈՒԹՅԱՆ ՍՈՑԻԱԼԱԿԱՆ
ՊԱՇՏՊԱՆՎԱԾՈՒԹՅԱՆ ՀԱՐՑԵՐԸ ԱՐՑԱԽՈՒՄ (2000-2006 ԹԹ.)**

ԱԲՐԱՀԱՄՅԱՆ Հ. Բ.

Արցախի Հանրապետությունում սոցիալական պաշտպանվածության և կենսամակարդակի հարցերի ուսումնասիրությունն ունի գիտական նշանակություն, մանավանդ որ միջազգայնորեն չճանաչված հանրապետությունում այդ ուղղությամբ ձեռնարկվում են կարևոր միջոցառումներ: Հարցը էական է նաև հանրապետությունում թույլ տրված սխալների բացահայտման, տնտեսական ինտեգրացման, տնտեսական անվտանգության ապահովման տեսանկյունից: Արցախում սոցիալական պաշտպանվածության և կենսամակարդակի բարձրացման միջոցառումներն իրականացվում են «Լեռնային Ղարաբաղի Հանրապետության պետական անկախության մասին» հռչակագրի (6.I.1992) և ԼՂՀ Սահմանադրության (10.XII.2006) սկզբունքներից ելնելով: Արցախում, որտեղ «Մարդու արժանապատվությունը հարգվում և պաշտպանվում է պետության կողմից»¹, բնակչության սոցիալական խնդիրները և կենսամակարդակի հարցերը թե՛ պետության և թե՛ հասարակության ուշադրության կենտրոնում են: Այսպես. Արցախում տեղի ունեցած նախավերջին՝ 1989 թ. մարդահամարով բնակչության թիվը կազմել է 186200 մարդ: Հետագայում՝ մեխանիկական տեղաշարժի հետևանքով, 2001 թ. հունվարի 1-ի դրությամբ այն իջել է 141509-ի²: Այդ ժամանակ հանրապետությունն ունեցել է 286 գյուղական բնակավայր և 10 քաղաք, 2004 թ. հունվարի 1-ի դրությամբ (հանրապետության տարածքը կազմել է 12041 կմ³, բնակչությունը՝ 145.5 հազար մարդ⁴) կար 241 բնակավայր⁵: 1991 թ. հունվարի 1-ի դրությամբ մարզը ունեցել է 2 քաղաք, 5 շրջկենտրոն և 209 գյուղական բնակավայր⁶: Արդեն 2005 թ. մարդահամարի տվյալներով, ԼՂՀ տարածքը կազմել է 11.7 հազ. քառ. կմ⁷: Ըստ վիճակագրական տվյալների, հանրապետության բնակչության թիվը 1995 թ. 122.6 հազարից 2006 թ. հասել է 137.7 հազարի⁸:

Հանրապետության սոցիալ-տնտեսական վիճակը բարելավելու և նրա հետագա զարգացումն ապահովելու նպատակով 2000-2010 թթ.

¹ Լեռնային Ղարաբաղի Հանրապետության Սահմանադրություն, Ստեփանակերտ, 2007, էջ 7 (հոդված 17):

² Լեռնային Ղարաբաղի Հանրապետության Ազգային ժողովի ընթացիկ արխիվ (այսուհետև՝ ԼՂՀ ԱԺԸԱ) 2001 թ. հոկտեմբերի 1-ի նիստի սղագրություն, էջ 2:

³ Նույն տեղում:

⁴ Լեռնային Ղարաբաղը թվերով, Ստեփանակերտ, 2004, էջ 11 և 12:

⁵ Լեռնային Ղարաբաղի Հանրապետության վիճակագրական տարեգիրք. 2000-2006 (այսուհետև՝ ԼՂՀ վիճակագրական տարեգիրք), Ստեփանակերտ, 2007, էջ 3:

⁶ Լեռնային Ղարաբաղի Հանրապետության պետական արխիվ, ֆ. 254, ց. 5, գ. 7, թ. 1:

⁷ ԼՂՀ վիճակագրական տարեգիրք, էջ 5:

⁸ Նույն տեղում, էջ 12 և 13:

համար կազմվել է բարեփոխումների ծրագիր, որը հաստատվել է Ազգային ժողովում և դրվել գործողության մեջ: Դրա համաձայն, նախատեսվում էր հանրապետության բնակչության տարեկան 30-35% աճ: Արդեն 2003 թ. արձանագրվեց 41.5% աճ, որն աննախադեպ ցուցանիշ էր: Իսկ 2004 թ. այն կազմել է 44.8%, 2005-2006 թթ.՝ 40-41%, այսինքն՝ մոտ 3 մլդ դրամի աճ նախորդ տարվա համեմատ: 2006 թ. հանրապետության բյուջեում սեփական եկամուտները 1999-2000 թթ. համեմատ եղել են 20 անգամ ավելի⁹: Սա լուրջ առաջընթաց էր հանրապետությունում:

2000 թ. հանրապետության կենսաթոշակային պարտքը հասնում էր 830-840 մլն դրամի, իսկ աշխատավարձինը՝ 400 մլն-ի: Կային նաև սոցիալական բնույթի այլ պարտքեր: Դրանք մարելու համար նախ և առաջ անհրաժեշտ էր հանրապետության տնտեսությունը դնել կայուն հիմքի վրա: Սոցիալական և կենսամակարդակային հարցերին լուծում տալու համար, պետական բյուջետային ծախսերից բացի, կարևոր տեղ ունի նաև մասնավոր ներդրումը: Առանձնապես պետք է ընդգծել Հայաստանի Հանրապետության դերը: Այդ ներդրումների շնորհիվ 1999 թ. փետրվարի դրությամբ Արցախում վերականգնվել է 3300 բնակարան: Հայաստանի և սփյուռքի օգնությամբ վերականգնվեցին բազմաթիվ ավերված բնակավայրեր: Արժանին պետք է հատուցել Էռնեկյան եղբայրներին, արքեպիսկոպոս Մ. Աշճյանին, «Հայաստան» համահայկական հիմնադրամին, որոնց աջակցությամբ և նյութական օժանդակությամբ վեր էին հանում լիովին ավերված՝ Ասկերանի շրջանի Խրամորթ, Մարտակերտի շրջանի Թալիշ, Վաղուհաս գյուղերն ու մյուս բնակավայրերը: Հետպատերազմյան տարիներին Ստեփանակերտում, Բոստոնի «Հայ առողջարարական միության» հովանու ներքո գործող մոր և մանկան «Արփեն» կենտրոնը նյութական օգնություն էր ցույց տալիս հղի կանանց: Մինչև 2002 թ. սկիզբը կենտրոնի ծառայությունից օգտվել է ավելի քան 7000 կին: Կենտրոնը, համագործակցելով ԼՂՀ սոցապ նախարարության հետ, օգնում է նաև բազմազավակ ընտանիքներին և հաշմանդամներին¹⁰:

Անգլիայի լորդերի պալատի փոխխոսնակ Քերոլայն Քոքսի աջակցությամբ պատերազմի հաշմանդամ ազատամարտիկների համար Ստեփանակերտում կառուցվում է «ՀԱՆՍ» կլինիկան: Ընդհանրապես՝ ԼՂՀ-ում առաջնահերթ օգնություն է ցուցաբերվում կարիքավորներին և սահմանային գոտում ապրողներին¹¹: Նշենք, որ Արցախում մեկ շնչին ընկնող համախառն ներքին արդյունքով ԼՂՀ-ն ավելի քան երկու անգամ զիջում է ՀՀ-ին:

Աղքատության հաղթահարումը կապված է կայուն տնտեսական աճի, հարկային եկամուտների ավելացման, սովերայնության կրճատման, բնակչության սոցիալական պաշտպանվածության հարցերի հետ: Այդ ամենը, անկասկած, Արցախի իշխանությունների ուշա-

⁹ Ազատ Արցախ, N 8, 28.VII.2005, Հայաստանի Հանրապետություն, N 17, 2.II.2005:

¹⁰ Հայաստանի Հանրապետություն, N 1, 10.I.2002:

¹¹ Նույն տեղում, N 32, 13.II.1999:

դրության կենտրոնում է: Արցախում ամենաբարձր տնտեսական աճի տեմպը արձանագրվել է 2003 թ.: Այդ ժամանակ ՀՆԱ-ի իրական աճի տեմպը կազմել է 19.8% (ամենացածրը եղել է 2001 թ.՝ 2.4%)¹²: 2000-2006 թթ. հանրապետության բնակչության կենսամակարդակը բարելավելու և սոցիալական ոլորտը կարգավորելու համար ձեռնարկվել են մի շարք միջոցառումներ: Այսպես, նրպաստառու մեկ ընտանիքի հաշվով, 2000 թ. 4327 դրամից 2006 թ. նպաստը բարձրացել է 8351-ի¹³, միջին ամսական աշխատավարձը 2000 թ. 27222 դրամից 2006 թ. հասել է 56700-ի¹⁴: Նաև աշխատանքներ են տարվել կենսաթոշակների հարցը կարգավորելու համար: Հանրապետությունում տարեցտարի ավելանում են նաև սոցիալական վճարումներն ու կենսաթոշակները: Կենսաթոշակները կարգավորելու հարցում կարևոր դեր է խաղացել 2003 թ. նոյեմբերին ընդունված «ԼՂՀ պետական կենսաթոշակների մասին» օրենքը¹⁵: Ամսական կենսաթոշակի միջին չափը 2000 թ. 7358 դրամից արդեն հասել է 14359-ի¹⁶: Այդ նույն ժամանակաշրջանում բուհերի ուսանողների կրթաթոշակների նվազագույն չափը յոթ տարում մնացել է նույնը՝ 5000 դրամ, 3970 դրամ՝ միջնակարգ մասնագիտական հաստատությունների սովորողների համար¹⁷:

Արցախում բնակչության առողջապահության հարցը գտնվում է ոչ պատշաճ մակարդակի վրա, մանավանդ գյուղերում: Այդ բացը գալիս է 90-ական թվականներից և նույնիսկ խորհրդային իշխանության տարիներից: Հետագայում՝ 2000-2006 թթ., տեղաշարժը աննկատ է եղել: Օրինակ, 2000 թ. բոլոր մասնագիտությունների գծով բժիշկների քանակը 261 էր, 2001-ին՝ 273, 2002-ին՝ 276, 2003-ին՝ 282, 2004-ին՝ 283, 2005-ին՝ 285 և 2006-ին՝ 297. յոթ տարում բժիշկների թիվն աճել է ընդամենը 36-ով: Այդ նույն ժամանակաշրջանում միջին բժշկական անձնակազմի քանակը 723-ից հասել էր 948-ի, իսկ հանրապետությունում հիվանդանոցային հիմնարկների թիվը՝ 17-ից 21-ի: Հիվանդանոցային մահճակալների թիվը 720-ից իջել է 655-ի: Կանանց կոնսուլտացիաների, մանկական պոլիկլինիկաների և ինքնուրույն բուժարանների թիվը 36-ից բարձրացել է 39-ի, հղի կանանց և ծննդկանների համար մահճակալների թիվը 90-ից հասել է 100-ի: Մանկական հիվանդանոցներում մահճակալների թիվը 110-ից իջել է 100-ի¹⁸: Մի շարք հիվանդությունների գծով մասնագետ-բժիշկների խիստ կարիք կա: Հանրապետությունում չկա բուժական ֆիզկուլտուրայի և մարզական որևէ բժիշկ: Եթե 2000 թ. 10000 բնակչի հաշվով կար 19.4 բժիշկ, ապա 2006-ին այդ թիվը հասել է 21.6-ի: Միջին բժշկական անձնակազմը նույն ժամանակա-

¹² Դեմո, N 2, 31.III.2004:

¹³ ԼՂՀ վիճակագրական տարեգիրք, էջ 40, 41:

¹⁴ Նույն տեղում, էջ 37:

¹⁵ Հայաստանի Հանրապետություն, N 109, 11.VI.2005:

¹⁶ ԼՂՀ վիճակագրական տարեգիրք, էջ 34:

¹⁷ Նույն տեղում:

¹⁸ Նույն տեղում, էջ 59 և 60:

շրջանում 53.8-ից հասել էր 68.8-ի¹⁹: Գյուղական վայրերում չկան բժիշկներ, դեղամիջոցներ, բուժկետերը ապահովված չեն որակյալ կադրերով: Դա նույնպես գյուղացիների արտահոսքի պատճառներից է²⁰:

Հանրապետությունում մեկ շնչի հաշվով կատարվող առողջապահական ծախսերը ևս ցածր են: Օրինակ. 2004 թ. 7100 դրամից 2005-ին այն հասել է 9894-ի: 2000 թ. առողջապահության գծով բյուջետային ծախսերը կազմել են ընդամենը 664.9 մլն դրամ: Այն 2006-ին բարձրացել է 1486.0 մլն դրամի²¹: 2006 թ. մեկ շնչի հաշվով ծախսը կազմել է 11491 դրամ: Նախկինում մինչև 3 տարեկան երեխաներն էին անվճար օգտվում բուժօնաշրջաններից: 2006 թ. սկզբած՝ մինչև 7 տարեկան երեխաները ստանում են անվճար դեղորայք: Եթե 2005 թ. հանրապետության յուրաքանչյուր բնակիչ տարեկան կարող էր 300 դրամի անվճար դեղորայք ստանալ, ապա 2006-ին՝ 400-ի: Բժշկի միջին աշխատավարձը 2006-ին կազմել է 51 հազար դրամ, իսկ միջին բուժաշխատողինը՝ 32 հազար²²:

Արցախի կառավարությունը 2000-2006 թթ. մի շարք միջոցառումներ է ձեռնարկել կրթությունն ու մշակույթը հանրապետությունում զարգացնելու ուղղությամբ: 2000/01 ուսումնական տարում հանրապետությունում կային 212 հանրակրթական դպրոց՝ 23468 սովորողներով: 2006/07-ում դրանք արդեն 238-ն էին, որոնցում սովորողների թիվը կազմել է 21880, այսինքն, 2000/01-ից 1588-ով պակաս: Միջնակարգ մասնագիտական ուսումնական 4 հաստատություններում սովորողների թիվը կազմել է 1366²³, որը նույնպես ցածրը էր 2000/01-ի 1410 սովորողների թվից: 2000/01 ուս.տարում հանրապետությունում կային 7 բարձրագույն ուսումնական հաստատություններ, 2006/07-ին ավելացել է ևս մեկը: Բուհերում սովորողների թիվը 3811-ից հասել է 6967-ի²⁴:

2000-2006 թթ. շոշափելի արդյունքներ կային մանավանդ մշակույթի բնագավառում: 2006 թ. հանրապետությունում գործում էին 9 թանգարան, 9 գրադարան և 4 թատրոն: Կրթության և գիտության գծով պետական բյուջեից կատարված ծախսերը 2000 թ. 1802.7 մլն դրամից 2006-ին հասել է 3908.3 մլն-ի, մշակույթի, տեղեկատվության, մարզական և կրոնի գծով՝ 432.6 մլն-ից 860.3 մլն-ի, իսկ սոցիալական ապահովության ծախսերը՝ 3454.0 մլն-ից 5159.1 մլն-ի²⁵:

1990-ական թթ. երկրորդ կեսին և հետագա տարիներին հանրապետությունում էական խնդիր էին գործազրկության դեմ պայքարը և նոր աշխատատեղերի բացումը: Պատերազմից վերադարձած ազատամարտիկների մեծ մասը մնացել էր անգործ: Այդ պատճառով՝

¹⁹ Նույն տեղում, էջ 70 և 71:

²⁰ ԼՂՀ ԱԺԸԱ, 4-րդ գումարման 2-րդ նստաշրջան, 15.II.2006, տպագրություն, էջ 9-10:

²¹ ԼՂՀ վիճակագրական տարեգիրք, էջ 168:

²² Հայաստանի Հանրապետություն, N 28, 16.II.2006:

²³ ԼՂՀ վիճակագրական տարեգիրք, էջ 45:

²⁴ Նույն տեղում, էջ 46:

²⁵ Նույն տեղում, էջ 168:

ռով հարյուրավոր ընտանիքներ լքեցին հայրենի վայրերը և հայտնվեցին Հայաստանում, Ռուսաստանում, Ուկրաինայում, Բելառուսում և այլ երկրներում: Հանրապետությունում աշխատանքային ռեսուրսները 2000 թ. կազմել են 73793 մարդ, իսկ 2006-ին՝ 81298, ըստ որում, տնտեսապես գործուն քնակչությունը 2000 թ. 51335-ից 2006-ին հասել է 58159-ի²⁶: Դրանցից վարձու աշխատողները 2000-ին կազմել են 28990 մարդ, 2006-ին՝ 39515: 2000 թ. հանրապետությունում պաշտոնապես գրանցված է եղել 3541 գործա- գուրկ, 2006-ին՝ 3560: Տնտեսապես ոչ գործուն քնակչության թիվը 22458-ից հասել է 23139-ի²⁷: Եթե 2000 թ. հանրապետությունում տնտեսապես գործուն քնակչությունը կազմել է ընդհանուրի 69.6%-ը, 2006-ին այն հասել է 71.5%-ի, վարձու աշխատողները 39.3%-ից հասել են 48.6-ի²⁸: Ինչպես երևում է, աշխատունակ քնակչության զգալի մասը իրականում գործազուրկ էր, որը խիստ բացասական հետևանք է թողնում սոցիալական և կենսամակարդակի հարցերի վրա: Արցախում գործազուրկների մեծ մասը կանայք են, 2000 թ. պաշտոնապես գրանցված գործազուրկ տղամարդկանց թիվը կազմել է 134, իսկ 2006-ին՝ 319: Կանանց թիվը 3407-ից իջել է 3241-ի, որոնցից 1615-ը 18-30 տարեկան երիտասարդներ էին²⁹: Ահա թե ինչու հանրապետությունից, մանավանդ գյուղական վայրերից արտագաղթողների մեծ մասը հիմնականում երիտասարդներ էին: Ըստ վիճակագրության, 2000-2006 թթ. մեկնել է 6468 մարդ³⁰:

Գյուղական վայրերում աշխատողների միջին տարեկան թվաքանակը 2000 թ. կազմել է 22055 մարդ: Այն 2006-ին իջել է 19115-ի³¹: Երիտասարդները գյուղերից հեռանում են աշխատանք չունենալու պատճառով: Իսկ դա ասես չի անհանգստացնում ոչ գյուղական համայնքներին և ոչ էլ հանրապետության իշխանություններին: 1995 թ. հանրապետության քնակչության 51.1%-ը քնակվում էր քաղաքներում, իսկ 48.9 տոկոսը՝ գյուղերում: 2000 թ. այն կազմել է 68.4% և 41.6%, իսկ 2006-ին՝ 51.4% և 48.6%: Գյուղական վայրերում քնակչության թիվը 1995-ին 55.1 հազարից 2000-ին հասել է 66 հազարի, իսկ 2006-ին՝ 66.9 հազարի: Ասել է, թե՛ 7 տարում հանրապետության գյուղական քնակչության թիվը աճել է ընդամենը 900-ով: Մինչդեռ այդ տարիներին գյուղերում ծնվել է 6862 երեխա³²: 2000-2006 թթ. հանրապետության գյուղական վայրերում բնակչության բնական աճը 2437 էր, իսկ քաղաքներում՝ 4005: Հանրապետությունում 7 տարում քնակչության մեխանիկական աճը կազմել է 5600 մարդ, որից 2000-ին՝ 2144, 2001-ին՝ 1559, մնացածը՝ մյուս 5 տարիներին: 2000-2006 թթ. Արցախ է եկել 12454, մեկնել է

²⁶ Նույն տեղում, էջ 21:

²⁷ Նույն տեղում, էջ 21:

²⁸ Նույն տեղում, էջ 22:

²⁹ Նույն տեղում, էջ 23:

³⁰ Նույն տեղում, էջ 18:

³¹ Նույն տեղում, էջ 24:

³² Նույն տեղում, էջ 12-13 և 16:

6468 մարդ³³։ Դա բացատրվում է բնակչության սոցիալական պայմանների ցածր մակարդակով։ Սոցիալական պայմանների և կենսամակարդակի բարելավման համար ամենահրատապը նոր աշխատատեղերի բացումն էր և բնակչության արտահոսքի կանխումը։ Իսկ դա հնարավոր էր կապիտալ ծախսերի և անհատական ներդրումների հաշվին։ Քանի որ ավերված ձեռնարկությունների վերականգնումը պահանջում էր ֆինանսական մեծ միջոցներ, ուստի նպասակահարմար էր կառուցել նորերը։ 2001-2005 թթ. շինարարության բնագավառում բացվել է 4000 աշխատատեղ։ 2006-ին ավելացել է 500-ը։ 2000 թ. սկսած՝ հանրապետությունում կառուցվել են մի քանի արդյունաբերական ձեռնարկություններ։ Օրինակ՝ Ստեփանակերտի ալրադացում բացվեց 69 աշխատատեղ, նորաբաց կաբելի գործարանում՝ 60, այդքան էլ՝ Շուշիի ոսկերչականում։ Փայտի վերամշակման ժամանակակից սարքավորումներով հագեցված գործարանում բացվեց 120 աշխատատեղ³⁴։ Դրմբոնի «Բեյզ Մեթրլա» ՓԲԸ-ում, որն արդյունահանում է ոսկի և պղինձ, բացվեց ավելի քան 1000 աշխատատեղ։ Աշխատատեղեր բացվեցին նաև վերականգնված Ստեփանակերտի, Ասկերանի, Կարմիր շուկայի և Մարտունու գինու գործարաններում, շինանյութերի և սննդամթերքի արտադրության ձեռնարկություններում։

Մոտավոր հաշվումներով 2000-2006 թթ. հանրապետությունում բացվել է 8-9 հազար աշխատատեղ։ Այդ հանգամանքը նկատելիորեն նվազեցրեց բնակչության արտագաղթը։ Արցախի իշխանությունները փորձում են ներգրավել ավելի շատ ներդրողների, իսկ ներդրումների ոլորտը ներառում է արդյունաբերությունը, գյուղատնտեսությունը, էներգետիկան, կապը, շինարարությունը, առողջապահությունը, մշակույթը, կրթությունը, զբոսաշրջությունը և այլ ճյուղեր։ Միայն 2000-2002 թթ.՝ 2.5 տարում, Արցախում 30 մլն դոլարի չափով օտարերկրյա ներդրումներ են կատարվել։

Արցախն ունի հարուստ բնաշխարհ, նաև ոսկի, արծաթ, կիսաթանկարժեք մետաղներ, պղինձ, հանքային ջրեր, զբոսաշրջության համար՝ լայն հնարավորություններ։ Ձեռներեցներին և ներդրողներին շահագրգռելու, նոր ձեռնարկություններ բացելու և բնակչությանն աշխատատեղերով ապահովելու համար կառավարությունը փորձում է ճկուն հարկային քաղաքականություն վարել։ Բավական իջեցվել են հարկաչափերը։ Դա գրավեց մի շարք ներդրողների։ Օրինակ. Ավստրալիայի ներդրողների հաշվին Ստեփանակերտում կառուցվեց «Նաիրի» հյուրանոցը, իսկ «Ղարաբաղ» հյուրանոցի վերականգնման ծախսերը փակվեցին ամերիկա-շվեյցարական կապիտալով և բացվեցին տասնյակ աշխատատեղեր³⁵։ «Արցախբանկի» վարկավորմամբ սկսեցին տեղական հումքով աշխատել մսի կոմբինատը, ալրադացները, կազմակերպվեց բարձրորակ սպիրտային խը-

³³ Նույն տեղում, էջ 18։

³⁴ Հայաստանի Հանրապետություն, N 148, 18.VIII.2000։

³⁵ Նույն տեղում, N 204, 13.XI.2002։

միջքների արտադրություն՝ միջազգային չափանիշներին համապատասխան:

Արցախյան պատերազմի տարիներին 40-60 հազար մարդ ստիպված էր հեռանալ հայրենի օջախներից, նրանց մեծ մասը հետագայում վերադարձավ: Սկսած 1994 թ.՝ հանրապետությունում իրագործվում է «Վերադարձ Արցախ» ծրագիրը: ՀՀ կառավարությանն առընթեր միգրացիայի և փախստականների վարչությունը, որը զբաղվում է վերաբնակեցման հարցերով, Արցախին սկսել է աջակցել 2000 թվականից: ԼՂՀ կառավարության որոշմամբ, 2002 թ. նոյեմբերին կառավարությանն առընթեր միգրացիայի, փախստականների և վերաբնակեցման վարչություն ստեղծվեց նաև Արցախում, որը ծրագրեց միայն 2002 թ. Հայաստանից Արցախ տեղափոխել մոտ 100 ընտանիք, որոնցից 30-ը՝ ծննդով արցախցի: 2003 թ. պետական բյուջեով նախատեսված վերաբնակեցման ու վերաբնակիչների արտոնությունների վճարման ծախսերը փակելու համար հատկացվել է 440000 դրամ³⁶: Արցախի կառավարության որոշմամբ, վերաբնակիչներին հատկացվում է բնակարան, հողամաս, 200 հազար դրամ վարկ (20 տարով և 0.5% տոկոսադրույքով)՝ անասուններ գնելու համար: Վերաբնակչի ընտանիքի գլխավորին տրվում է 20 հազար դրամ, իսկ յուրաքանչյուր անդամին՝ 5000-ական: Վերաբնակեցված ընտանիքը 5 տարի ազատվում է բոլոր տեսակի հարկերից³⁷: Կառավարության որոշումով, Ստեփանակերտում բնակվող վերաբնակչին տրվում է բնակարան, միանվազ դրամական օգնություն, հատուցվում է ճանապարհածախսը, նա 5 տարի ժամկետով ազատվում է կոմունալ ծառայությունների վարձից: Տրվում են նաև այլ արտոնություններ³⁸:

Վերաբնակեցումը ԼՂՀ հիմնահարցի կարգավորման համար ռազմավարական նշանակություն ունի: Հետևապես՝ վերաբնակեցվածների սոցիալական պայմանները և կենսամակարդակը պետք է բարձր հիմքերի վրա լինեն, նրանք ամենից առաջ պիտի ապահովվեն բնակարաններով, աշխատատեղերով, բավարար կենցաղային պայմաններով: Այլապես՝ վերաբնակեցումը հաջողություն չի ունենա: Միայն 2003 թ. Հայաստանից և ԱՂՀ մյուս երկրներից ընդունվել և տեղավորվել է 135 ընտանիք՝ 513 հոգի, որոնց համար կառուցվել է 96 առանձնատուն, ութ միջնակարգ դպրոց, վերականգնվել է 4 նոր բնակավայր: Վերաբնակեցվածների համար բնակարաններ կառուցող «Շեն» բարեգործական կազմակերպությունն իր գործունեությունը Արցախում սկսել է դեռևս 1988 թ., որի վերջին խոշոր ծրագրերից է Արցախի, մանավանդ վերաբնակեցված գյուղերի դպրոցներին 400-ից ավելի համակարգիչների տրամադրումը³⁹: Ըստ Շենի ծրագրերից մեկի՝ Մարտակերտի և Շահումյանի շրջաններում պետք է վերաբնակեցվի 200 ընտանիք (700 հոգի), բացվի 200 ագրարային

³⁶ Նույն տեղում, N 120, 15.IV.2003:

³⁷ Նույն տեղում, N 30, 20.II.2002:

³⁸ ԼՂՀ կառավարության ընթացիկ արխիվ (այսուհետև՝ ԼՂՀ ԿԸԱ), որոշում N 121, 15.IV.2003:

³⁹ Ազատ Արցախ, N 118, 5.X.2006,

աշխատատեղ, հողատարածքների ցանքսը ավելացվի 456 հեկտարով⁴⁰:

Արցախի Հանրապետության բնակչության սոցիալական պայմանների բարելավմանը նպաստում են կառավարության ձեռնարկած նաև այլ միջոցառումներ՝ օգնություն է ցույց տրվում փոքր և միջին ձեռնարկություններին, միանվագ նպաստ թոշակառուներին, բազմազավակ ընտանիքներին, բնական աղետներից տուժած հողատերերին, կարիքավոր ընտանիքներին, հաշմանդամներին և այլն:

Արցախի կառավարությունը միջոցներ է ձեռնարկում նաև ԼՂՀ պաշտպանության ժամանակ զոհված զինծառայողների ընտանիքների կենսամակարդակի բարձրացման հարցերով: Այդ մասին է վկայում կառավարության հատուկ որոշումը (2004 թ.)⁴¹: 2004 թ. ընդունված՝ «Հայրենական մեծ պատերազմի վետերանների մասին» և «Զինծառայողների ու նրանց ընտանիքների անդամների սոցիալական ապահովության մասին» ԼՂՀ օրենքով դրամական փոխհատուցում սահմանվեց նրանց համար⁴²: Զոհված զինծառայողների ընտանիքների անդամների, հաշմանդամների, կենսաթոշակառուների և աշխատող քաղաքացիների առողջարանային բուժումը կազմակերպելու համար որոշվեց ուղեգրերը հատկացնել անվճար⁴³:

Որպես կանոն, կառավարությունը օգնություն է ցուցաբերում նաև բնական աղետներից տուժած տնտեսություններին: 2004 թ. նրանց հատկացվել է 126.0, 2005-ին՝ 144.0, 2006-ին՝ 381 մլն դրամ⁴⁴:

2006 թ. հունվարի 24-ին ԼՂՀ կառավարության որոշումով ստեղծվեց Արցախի գյուղերի և գյուղատնտեսության աջակցության հիմնադրամ՝ գյուղատնտեսության բնագավառում Հայաստանում և սփյուռքում ձեռք բերված գիտական հետազոտությունների արդյունքները կիրառելու, տարբեր ծրագրեր իրագործելու, գյուղական անապահով ընտանիքներին աջակցելու, ցուցահանդեսներ և այլ միջոցառումներ կազմակերպելու նպատակով⁴⁵:

2006 թ. կառավարությունը 226 մլն դրամով գնեց 700 տ սերմացու և 300 տ հանքային պարարտանյութ ու բաժանեց բնական աղետներից, հրդեհներից տուժած գյուղացիներին՝ մասնակի փոխհատուցման կարգով⁴⁶:

2001-2006 թթ. հանրապետությունում գազիֆիկացվել է 53 բնակավայր, որոնցից 49-ը՝ գյուղական: Եթե 2000 թ. հանրապետություն-

⁴⁰ ԼՂՀ ԱԺԸՄ, 2003 թ. դեկտեմբերի 24-ի նիստի սղագրություն, 3-րդ գումարման 4-րդ նստաշրջան, 2002 թ. մարտի 28-ի նիստի սղագրություն, ԼՂՀ ԿԸՄ, որոշում N 1841, 11.I.2003, տե՛ս կառավարության՝ 2002 թ. N 8, N 204, 2003 թ. N 48, N 157, 2004 թ. N 145, N 303, N 445, 2005 թ. N 140 և 2006 թ. N 100 որոշումները, ԼՂՀ ԿԸՄ, որոշում N 35, 21.III.2000, նույն տեղում, որոշում N 35, 23.IV.2002:

⁴¹ Նույն տեղում, որոշում N 316, 17.X.2004:

⁴² Նույն տեղում, որոշում N 221, 30.VII.2004:

⁴³ Նույն տեղում, որոշում N 216, 26.V.2004:

⁴⁴ ԼՂՀ ԿԸՄ, որոշում N 452, 17.XI.2004, որոշում N 381, 12.IX.2005, որոշում N 450, 01.IX.2006:

⁴⁵ Նույն տեղում, որոշում N 39, 24.I.2006:

⁴⁶ ԼՂՀ ԱԺԸՄ, 3-րդ գումարման 9-րդ նստաշրջանի սղագրություն, 24.XI.2004:

նում գազիֆիկացվել էր 9852 բնակարան, ապա 2006-ին՝ 18382 (14145-ը՝ քաղաքներում, իսկ 4207-ը՝ գյուղերում⁴⁷): Մարտունու և մյուս շրջանների տասնյակ գյուղական բնակավայրեր դեռևս չեն գազիֆիկացվել⁴⁸:

Արժեզրկված ավանդների փոխհատուցման հարցը ևս արժանացավ իշխանության ուշադրությանը⁴⁹: Կառավարության 2002 թ. նոյեմբերի 26-ի որոշումով⁵⁰ 2003 թ. առաջին կիսամյակում նորածին 260 երեխայի անվամբ բացվել էին նպատակային ժամկետային ավանդներ: Ծնված երրորդ երեխայից սկսած՝ նրանց անվամբ փոխանցվում են գումարներ: Այսպես, 2003 թ. առաջին կիսամյակում գումար է հատկացվել 258 ընտանիքի 1429 երեխայի: Յոթ երեխա ունեցող 14 ընտանիքի համար կառուցվել են բնակարաններ: 2000 թ. 184 երեխա ստացել են 538400 դրամ, 2001-ին՝ 384 երեխա՝ 1 մլն 445200, իսկ 2002-ին՝ 566 երեխա՝ 2 մլն 192 հազար դրամ⁵¹:

Մայրաքաղաք Ստեփանակերտի բնակչության ջրամատակարարման հարցը խորհրդային ժամանակաշրջանում ևս քննարկման առարկա էր: Անկախության տարիներին մշակվեցին լավագույն ծրագրեր: Սակայն դրանք իրագործելու համար պահանջվում են ֆինանսական մեծ ռեսուրսներ: Այնուամենայնիվ՝ նախատեսվեց կապիտալ շինարարության հաշվին կառուցել 3.5 մլն խմ տարողությամբ ջրամբար, որը թույլ կտա մայրաքաղաքի բնակչությանը շուրջօրյա ջրամատակարարում ապահովել:

Հրատապ խնդիրներից է նաև բնակարանաշինության հարցը: 2000 թ. Արցախում կար 36653 բնակարան: Այդ թիվը 2006-ին հասել է 40480-ի, կամ 7 տարում այն ավելացել է 3827-ով⁵²: Սակայն հանրապետությունում հարյուրավոր ընտանիքներ դեռևս մնում են առանց բնակարանի: Պետական բյուջեի և մարդասիրական օգնության ծրագրերով, զոհված ազատամարտիկների և հաշմանդամ ընտանիքների համար Ստեփանակերտում կառուցվեց 50 բնակարանով նոր շենք: Նոր բնակարաններ են կառուցվել նաև զինծառայողների համար: 2000-2006 թթ. բնակարանային շինարարության նպատակով ծախսվել է 8439.4 մլն դրամ և գործարկվել 98.7 հազար մ² ընդհանուր մակերես⁵³: Այդուհանդերձ, բնակարանային շինարարությունը հետ է մնում մանավանդ գյուղական վայրերում:

Այսպիսով, չնայած բազում դժվարություններին, 2000-2006 թթ. Արցախի իշխանությունները քայլեր են ձեռնարկել հանրապետության բնակչության սոցիալական և կենսամատակարարակի հարցերը դրականորեն լուծելու համար:

⁴⁷ ԼՂՀ վիճակագրական տարեգիրք, էջ 83 և 84:

⁴⁸ ԼՂՀ ԱԺՀԱ, 4-րդ գումարման 3-րդ նստաշրջանի աղագրություն, 15.XI.2006:

⁴⁹ ԼՂՀ ԿՀԱ, որոշում N 195, 1.VIII.2002:

⁵⁰ ԼՂՀ ԿՀԱ, որոշում N 62, 26. XI. 2002:

⁵¹ Ազատ Արցախ, N 83, 17.VII.2003:

⁵² ԼՂՀ վիճակագրական տարեգիրք, էջ 81:

⁵³ Նույն տեղում, էջ 140-141:

**ВОПРОСЫ СОЦИАЛЬНОЙ
ЗАЩИТЫ НАСЕЛЕНИЯ АРЦАХА (2000-2006 ГГ.)**

АБРААМЯН Г. Б.

Резюме

В годы Арцахской войны почти полностью была разрушена экономика республики, что отрицательно сказалось на социальном и жизненном уровне населения. В этой связи Арцахским правительством в 2000-2006 гг. были предприняты меры, направленные на увеличение пенсий, открытие новых рабочих мест, на развитие культурно-образовательной сферы, а также решение других жизненно важных социальных вопросов. Посильную помощь Арцаху оказывают Республика Армения и зарубежная армянская диаспора.